

金陵百詠

于建榮署

金陵百詠敘

曾景建金陵百詠 四庫箸錄爲浙江鮑士棊家藏本而
外閒傳本絕少此據翰林院典籍廳鈔本付刊蓋卽 四
庫底本名題百詠實止九十一首蓋傳鈔不無遺漏耳
四庫提要所稱決囚燈一首誤言嚴續被殺及中主誤作
後主嘗見宋韋居安梅磳詩話亦摘其誤較提要所言更
詳是其誤用故事亦不必曲爲之諱然韋氏又据其詠樂
官山詩疑史稱宋征江南不妄殺一人未免失實則曾詩
在宋時卽相引重可據以訂正史傳聞之誣韋又言蔣帝
廟詩青骨二字人多不解偶閱海錄碎事載後漢末蔣子
文嘗爲秣陵尉自謂青骨死當爲神後因靈顯吳主爲立

祠鍾山下因改山爲蔣山後累封爲帝始知二字本此然則曾詩援據博洽信有非後人所能及者當南渡偏安之局倚小朝廷偷安喘息者比比皆是曾乃孤懷獨抱託諸歌詠以自攄其磊落激昂之氣雖觸忤時相重遭譴責有所不惜嗚乎如曾者可謂賢矣哉夫人不足論者其詩必不足傳若曾之爲人觀諸詩可以知其梗概第以爲存金陵之故事猶淺之乎讀是詩也已光緒二十九年癸卯日長至長沙葉德輝序

欽定四庫全書總目

金陵百詠一卷

浙江鮑士恭家藏本

宋曾極撰極字景建臨川布衣晚以江湖集事得罪謫道州卒所著春陵小雅今已不傳此乃其詠建康故蹟之作皆七言絕句凡一百首詞旨悲壯有磊落不羈之氣羅椅嘗謝其惠百詠書云不知景建是何肺腑能辦此等惱人語於千載下今觀其詩如天門山云高屋建瓴無計取二梁剛把當穀函新亭云江右于今成樂土新亭垂淚亦無人大抵皆以南渡君臣畫江自守無志中原而作其寓意頗爲深遠豫章人物志載極遊金陵題行宮龍屏忤時相史彌遠以

是獲譴是編有古龍屏風一首云乘雲遊霧過江東
繪事當年笑葉公可恨橫空千丈勢剪裁今入小屏
風與人物志所紀相合蓋其憤激之詞雖不無過於
徑直而淋漓感慨與劉過龍洲集中詩句氣格往往
相同固不徒以模山範水爲工者也劉壘隱居通議
摘其可惜當年殺嚴續無人爲益決囚燈二語謂續
始終全美未嘗被殺不免誤用故事考資治通鑑載
陳覺使周還矯世宗詔命李景殺嚴續景表請於周
明續無罪覺詐始露而續得免是續實未被殺壘所
駁良是究其致謬之由蓋以姚寬西溪叢話有鍾謨
奉使歸唐以陳覺矯周帝之命斬嚴續事言於唐主

云云所言不具首尾極遂以爲實有其事又決囚燈
事以中主誤爲後主亦爲乖舛是則考證之偶疏固
不必爲之諱矣

不必觀之新矣

事以中正為終由次為而後其限終之而終因
云云此言不具首句而後以爲其有其事又其因

金陵百詠

宋 曾極 撰

金陵

楚威王以其地有王氣埋金鎮之故曰金陵或曰
以其地接華陽金壇之陵

鑿地破除函谷帝埋金厭勝郢中王興亡總不關君事五
百年前枉斷腸

攝山

在城東北四十五里有齊文惠太子鑿石鑄佛見
存江乘地記村有草可以攝生故名陳軒有攝山

十詠

一丈唐碑今露立千尋梵塔已低摧層層石佛雲閒出坐
閱齊梁成劫灰

方山

葛玄煉丹之地

人閒底事有方壺劍截青瑤界碧虛試上珠庭瞻醉葛仙
雲垂帶護儲胥

覆舟山

在城北五里晉北郊壇宋藥園壘樂遊苑冰井甘
露亭皆在此山

六代興亡貉一丘繁華夢逐水東流操蛇神

原注列子注山海之神皆

操蛇向山前笑三百年前幾度舟

樂官山

南唐初下時諸將置酒樂人大慟殺之聚瘞此山故名

城破轅門宴賞頻伶倫執樂淚橫巾駢頭就戮緣家國愧死南歸結綬人

天門山

在當塗西南三十里又名蛾眉山夾大江東曰博望西曰梁山又號東西梁山李白銘有曰梁山博望關局楚濱夾據洪流實爲吳津兩坐錯落如鯨張鱗惟海有石惟川有神牛渚怪物日圍車輪光射島嶼氣凌星辰卷沙揚濤溺焉殺人國泰呈瑞

時訛返珍開則九江納錫閉則五嶽飛塵天險之
地無德匪親

鯨翻鰲負倚江潭天險由來客倦談高屋建瓴無計取二
梁剛把當殽函

西原

衰草寒雲雁一行牽愁水似九迴腸游人欲問千官事翁
仲無言臥夕陽

龍洞

在清涼寺前

江流遠引背煙嵐平陸何年重舉帆斷岸插天危欲墜六
朝龍去祗空巖

鍾山石

鍾山在上元縣東北十八里輿地志古曰金陵山縣名因此又名蔣山漢秣陵尉蔣子文討賊死事於此吳大帝爲立廟大帝祖諱鍾因改曰蔣山此山本無草木東晉時刺史還任者栽松三千株下至郡守各有差一名北山齊周顒隱於此此山有石脉理皆紅潤戰血潛流石脉中蒼厓鑿斷見殷紅千年殺氣方回薄草木無春山盡童

梁金華宮石

輿地志云梁大同中所築昭明太子蔡妃所居在

清溪東石今在府治

照影清溪眩目奇推遷十代市朝非莫欺
蘇眼蒼苔面曾伴昭明識蔡妃

大江

郡國志西北自六合縣界流入舊闊四十餘里昔
魏文帝登廣陵觀兵戎卒數十萬旌旗數百里臨
江見波濤洶涌歎曰吾武騎萬隊何所用之嗟乎
此天所以限南北也

烽煙歲歲滿江干將帥誅求盍少寬未得三軍如挾纊憑
誰數處護風寒

秦淮

在縣南三里始皇時望氣者言金陵有天子氣使
朱衣鑿山爲瀆以斷地脉改金陵爲秣陵晉陽秋
秦開故曰秦淮或云淮水發源屈曲不類人工
鑿斷山根役萬人祖龍癡絕更東巡石城幾度更新主嬴
得淮流尙繫秦

玄武湖

在上元縣北十里宋元嘉閒有黑龍見故名今爲
後軍寨

當日湖光澈鏡心龍旗鳳吹此登臨而今鐵馬迴旋地斜
照黃塵一尺深

四太子河

上東門嘯本同科天誘金人智詐多刁斗夜鳴兵四合五
更平陸已成河

西浦

張碩遇杜蘭香處

珠璫錯落江皋佩羅襪輕盈洛浦妝欲採蘋花擲春信停
橈難覓杜蘭香

桃葉渡

一名南浦渡金陵覽古在秦淮口桃葉者晉王獻
之愛妾名也獻之詩云桃葉復桃葉渡江不用楫
但渡無所苦我自相迎接不用楫者謂橫波急也
獻之歌此送之

裙腰芳草抱長隄南浦年年怨別離水送橫波山斂翠一
如桃葉渡江時南宮西太乙宮詩云蘇州刺史部尚書

采石渡

事見揮麈錄及楊文公談苑

石琢浮屠徧水濱興亡歲久已成塵長江靜夜蘆花月莫
信牽愁撥櫂人

五馬渡

晉元帝渡江童謠云五馬渡江一化龍識者謂吳
越之地當興王

仲達欺孤與操同豈能長世撫提封瑤圖暗換君知否班
特浮江自化龍